

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Joh. Jonstoni Thaumatographia Naturalis

Jonston, Jan

Amstelodami, 1661

Caput XXXIV

urn:nbn:de:bsz:31-97032

bore collocat. Cum à venatione vacat, custodit ea, contraq; ascendente defendit. *Tinnunculus* sive *Cenchrus* columbis est amicissimus. Hinc rustici ejus pullos singulis fictilibus ollis condunt, stipatisque opercula super imponunt, & gypso lita, in angulis columbarii reponunt. Hoc illis loci amorem inculcat, accipitres ita terret, ut visum ejus vocemque fugiant. *Columell.*

CAPUT XXXIV. DE TURDO & TORQUILLA.

IN magnis olim deliciis *Turdi* apud Romanos. Constitat enim ternis denariis, id est, duodenis nummis vānisse singulos turdos Romæ. Ex uno autem Ornithone quinque millia turdorum eodem pretio divendita fuisse, autor locupletissimus *Varrō* attestatur. In villa, inquit, materteræ meæ in Sabinis, ad quartum & vigesimum lapidem à Roma, Ornithon est, ex quo uno quinque millia scio vānisse turdorum denariis ternis ut H. S. sexaginta millia ea pars villæ reddiderit eo anno, bis tanto, quam tuus (*Axiū* alloquitur) fundus ducentorum jugerum Reate reddit. Docilem esse *Agrippinæ* turdos ostendit. Hic enim omnium imitabatur sermones. Mirum id, si verum, peculiariter turdis sorditiem adscribi. Apud *Scaligerum* egregium de eo cantillante extat carmen, quod adjicimus.

*Dulci Turdille doctè guttur illo
Asperas animi levare curas
Cantillans modulos minutiores:
Condito mihi pectoris medullas
Cantiuncula, ut inquietiore
Oblitus veterum miser malorum
Mentis improbus acquiescat æstus.
Da mihi blandula murmurilla mille,
Mille anfractibus implicata: quid sis
Pote eludere vortices charybdis,
O Princeps avium beatorum?
Quor grato Dominum excitant susurro.*

M. 5. Res.

Rex nostræ volucelle vocis alma.

Dulci Turdula docto gutturillo.

Torquilla, Iinx alias dicitur. Linguz illi aculeus tam acutus, ut humanam cutem haud aliter ac acicula penetret. Ea infra arteria summum subit, & super cranium reflexa, prope nares inferitur. Est autem gemina, ubi ab occipitio reflecti incipit, & in sincipite rursus utraque partes conveniunt. Digitorum talis constitutio, ut ubique longior alter cum brevior altero conjungatur.

CAPUT XXXV.

DE VROGALLO.

*V*rogallus in altissimis montium versatur jugis, Germaniam & Septentrionalia loca præcipue amat. De ejus coitu portentosa scribit *Encelius lib. 3. de Lapid. c. 54.* Gallus quippe hujus speciei sperma ex ore coitus tempore in vere excreat & evomit, & voce magna advocat gallinas ipsas, quæ sperma ejectum ore legunt, ac deglutunt, ac tali modo concipiunt. Illas postea gallus comprimit, & quasi ratum facit semen comestum. Super quas gallinas non ascendit, illæ ova hypenemia pariunt. *Olaus Magnus* scribit in septentrione Vrogallos minores sub nive duobus aut tribus mensibus latitare. In Ponto vero ajunt per hyemem aves quasdam reperiri, quæ neque excernant, neque cum pennæ eis avelluntur, sentiant, neque cum veru transfiguntur, sed tum demum cum ab igne incaluerint. Vix verum. Grygallus major adeo surda est avis, ut ne bombardæ sono abigi possit.

CAPUT XXXVI.

DE VESPERTILIONE.

*V*espertilionem *Plato* vocat avem non avem, Vallæ semimurem. Amat cavernas & meatus subterraneos.